



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


BV

482

,H37



# **HYMNI SACRI**



# **HYMNI SACRI**

**POETARUM ALIQUOT GERMANICORUM**

**IN LATINAM LINGUAM TRANSTULIT**

**ERNESTUS FRIDERICUS HAUPT**


**IUR. UTR. DR. ORD. SAX. VIRT. CIV. EQVES**

---

**LIPSIAE**

**APUD WEIDMANNOS**

**A. MDCCCXLII**




~~88083~~

3-17 6.3  
**MAURICIO SUO**  
**PATER**

**144205**





## PRAEFATIO.

Quae lecturis, quos scio fore non ita multos, carmina trado Latine a me reddita, ea causarum, cur non, si transferenda huius generis poemata existimassem, alia potius eaque praecipue recentiora elegerim, brevi in fronte libelli egere videntur explanatione. Ego vero non diffiteor me ad vertenda eiusmodi carmina animum appulisse, quae vere essent quod esse debent, animi, quo exorta sunt atque composita, verissimae imagines. Ac sane in Martini Lutheri, Simonis Dachii, Pauli Gerhardi, reliquorumque, quorum aliqua proposui, carminibus, illa inest vis, quae imo pectore nata, idque incendens, quaesitarum artium prorsus ignara, nativo erumpit impetu:

10-18-40

1111

inest illud animi robur, quod sepulcri vincens horrores, terrae vinculis iam superius, nil nisi caelestia tractat: inest firma illa et inconcussa fiducia, quae non fluctuat inter argutiarum ac dubitationum salebras et politiorum commenta doctrinarum, suis unice viribus ac fortiter suffulta: absunt longissime exiles illae atque exsanguis argumentationes, quae, quod pium quodque cor et credere debet et pridem credidit, copiosa et artificiosa disceptatione demonstrare conantur, qualem non paucae recentiorum temporum cantilenae ostentant. Quarum nonnullae, praeter formam haud sane poeticam, adeo alienam a vera sacri carminis indole speciem prae se ferunt, ut dubii haereamus inter risus illecebras et motus indignationis. Pectus est, quod facit disertos: et sic veteres illi vates, insito spiritu forti, fide manifesta et constanti, pietate vera verborumque neque expolitione neque tumore indigente, carmina protulerunt, quae aequae sentientium animos, quo simplicior quisque esset atque integrior, hoc maiore vi attraherent, stabilirent, corroborarent.

Etsi autem facile largior has meas reprehensiones non in huius generis omnia, quae recentior et paulo etiam prior obtulit aetas, cadere carmina, quorum multa probabilia sint, nonnulla etiam bona: tamen, cum pro consilio meo ac rei necessitate non ita multa excudere carmina et typis vulgare voluerim, non vereor, ne in vituperationem incurram, quod vetustiorum temporum opera praetulerim recentioribus, vel sola, quam quaeque antiquitas excitare solet, reverentia captus et commotus, ut taceam eorum quae transtuli plurima ab aliquo inde tempore a libellis, qui sacras complectuntur cantilenas, sedula lustratione aut plane esse seclusa, aut tanquam exsules atque extorres veluti misericordia quadam recentioribus extremo loco et separato ordine annexa, aut, quod omnium minime ferendum est, scita quadam mutatione frigidisque accessionibus debilitata et depravata.

Si qui forte vel lectores erunt vel censores, qui scire ex me cupiant, cur omnino huic me dederim labori, eiusque qui sint fructus, si in publicam emisericim lucem, his apertum dabo ac sim-

plex responsum. Spero ego atque confido, cum Latini sermonis usus a concionibus sacris dudum sit et recte exclusus, nonnullos adhuc fore, qui domestica horum lectione carminum, et, nisi amor negotii suscepti interpretem fallit, Romano eorum colore lactentur. Habet sane sermo Latinus praeter reliquas hanc peculiarem virtutem, quod ad sacra accommodatus poemata non amoenitate solum eximia, sed singulari etiam gravitate personat ac dignitate ab ipsa argumentorum severitate haud absona. Qua de re, si quis dubitet, legat vetustissimos illos hymnos, quos temporum iniuria nobis non subtraxit, quorumque in Romana ecclesia vel hodie servatur usus. Qui ut maximam partem ingenua oris Romani dictione et elegantia careant, at simplici candore, miro verborum bene sonantium numero, grandique saepe insignes sunt motus maiestate. Detur haec venia Latinae orationis amicis et cultoribus, ut hac tempestate, qua multis non molesta solum, sed invisa etiam est et odiosa, in merito eam habeant honore. Qui ut et nunc et per futuras aetates illi tribuatur, id vero, quicquid res humanas

**ex solo lucro hodie censens venditet perversitas,  
humanitatis causa vehementer optamus.**

Ad exteros, quorum aliqui Germanicae linguae vel satis periti vel eius certe non prorsus ignari praeter oblectationem aliquam etiam poetarum nostrorum inde haurire possint notitiam, dubito fore, ut hoc opusculum perveniat. Quam ob rem, et cum ipsa carmina nostratibus sint in promptu, ne nimium cresceret libellus, ea ut vernacula lingua sunt composita adiacere nolui.

Haec habui, de his meis conatibus quae dissererem. Quodsi veterum poetarum cineres nec temere nec importune ausis a me esse vexatos periti harum rerum et aequi arbitri iudicabunt, non vereor, ne operam luserim, et in hac sententia lubenter acquiescam.

Quae pauca depositis interpretis partibus ligata oratione in appendicula addidi, eorum plurima ante pepigeram quam ad transferenda in Latinum sermonem praecedentia carmina me accinxi. Sed his ipsis, etsi non eiusdem sunt generis, sed sola affinitate quadam cum exhibitis car-

minibus consociata, ad vertenda illa me fateor  
esse allicitum, neque ea linguae patriae reddita  
adiungere dubitavi.

Haec igitur accipite et valet, lectores.

Scribebam Zittaviae,  
m. Aprili a. 1842.

res!  
res,  
ium.  
salutis  
virtutis  
gium.  
dat.

deat!

miscent,  
viviscent:  
iudicis.  
gaudete,  
btinete,  
semiis,



**Te tua gens glorificet  
Beneque factis laudet :  
Iam laeta seges prominet,  
Eventu verbum gaudet.  
Nos beet pater, filius,  
Nos sanctus beet spiritus,  
Cui supplicat grex gentium,  
Cui contremit potissimum :  
Dicatis corde Amen !**

---

## VII

**Surgite, somniatores !  
Evigilate, peccatores,  
Iam imminet iudicium.  
Poenae sortem ac salutis  
Concessit arbiter virtutis  
Ad liberum suffragium.  
Hic recte iudicat,  
Scelestos pessum dat.  
Tremite !  
Decretis stat,  
Accelerat,  
Ut iustus iudex sedeat !**

**Peccatores contremiscent,  
Perterriti cum reviviscent :  
Succumbent voci iudicis.  
Vos, lustrati, iam gaudete,  
Salutis palmam obtinete,  
Vos decorabit praemiis,**

Nec Christus iudicat  
Vos, qui oppignerat  
Se pro reis :  
Iam gratia  
Est reddita,  
Victores manet laurea.

Adestote vigilantes,  
Parate vosmet excubantes,  
Repente dies irruet.  
Iudex pios liberabit,  
A morte pios vindicabit,  
Nec ulla noxa remanet.  
Iam patent lucida  
Salutis gaudia :  
Amen, amen !  
Lux obvenit,  
Mox aderit :  
Deoque laus et honor sit.

---

**VIII**

Sit soli deo gloria,  
Agamus deo grates,  
Quod nunquam vi nos horrida  
Attingent tempestates.  
Gaudemus dei gratia,  
Nunc durat pax laetifica,  
Certamina scinduntur.

Excelse, collaudamus te,  
Tu, pater, adoraris,  
Aeterno quod regimine  
In mundo dominaris.  
Immensa tu potentia,  
Tu nutu regis omnia,  
Te domino laetamur.

O Christe, qui unigena  
Es soboles parentis,  
Qui expiasti scelera  
Humanae cuncta gentis,

**O sacrosancta victima,  
Exaudi vota fervida  
Nostrique miserere.**

**O paraclete spiritus,  
Qui maestos consolaris,  
Coerce hostem protenus :  
Quos Iesus Christus caris  
Restituit vulneribus,  
Hos adiuva divinitus :  
Hac fide suffulcimur.**

---

**IX**

Fac tibi adhaerescam,  
O sancte domine,  
Nec unquam elanguescam,  
Nec cedam perfide.  
Constantiam augeto,  
Ne unquam fluctuem,  
Ac perpetim praebeto  
Ut te glorificem.

---

**X**

Nunc laeti exsurgamus,  
Orantes procedamus  
Ad te, qui nos servasti  
Et viribus donasti.

Per vices nos annorum  
Ignari futurorum  
Paulatim ambulamus  
Et acta instauramus,

Per luctus et angores,  
Per metus ac tremores,  
Per hostium cohortes  
Salutis haud exsortes.

Ut matres caritate  
In saeva tempestate  
Infantes amplexantur,  
Ne inopes laedantur,

Potenti sic favore,  
Te optimo tutore,  
Furentibus procellis  
Tenemur firmis sellis.

O custos tu perite,  
Res gerimus inscite,  
Ni tu auxiliaris  
Et vigil nos tutaris.

Nos fidem praedicemus,  
Qua sospites vigemus,  
Laudemus vires fortes,  
Quae vitae regunt sortes.

Nos audi, te precamur,  
Ne unquam deseramur:  
Quin oneri malorum  
Fons mane gaudiorum.

Et mihi et cuique  
Da vires, ne inique  
Auxilium poscamus,  
Sed temet confidamus.



Occlude fontes luctus,  
Expande pacis fructus,  
Ac tanta post cruenta  
Laetitiam sustenta.

Quaqua eamus, fave,  
Lenimen adde suave,  
Nec tu humiliores  
Nec desere primores.

Orborum sis nutritor,  
Pauperibus largitor,  
Labantibus sis stator,  
Fessisque opis dator.

Aegroti fac sanentur,  
Fac, ut exhilarantur  
Qui luctibus contriti  
Hic degunt vel inviti.

Potissimum largire,  
Fac spiritum exire,  
Qui vitam nostram claret,  
Ad caelum viam paret.

**Haec cuncta nobis dato !  
Ut quaeque die stato  
Impertias, rogamus :  
Sic annum integramus.**

---

## XI

Surgite ! sic personabit  
Vox redemptoris, evocabit  
E tumulis emortuos.  
Surgite, per me lustrati !  
Vos congregare, adamati :  
Qui mundum regit, vocat vos !  
Nox cessit tacita :  
Fugate somnia !  
Halleluia !  
Accingite  
Vos propere !  
Suprema dies irruit.

Terrae orbis contremiscit,  
Piorum coetus reviviscit  
Recenti vitae redditus.  
Expiator claritate  
Et gratia et veritate  
Accedit splendidissimus.

Te lux circumdedit,  
Te vita profluit.  
Hosianna!  
Redemptor, te,  
Celsissime,  
Ad regnum patris sequimur.

Tuam gloriam cantamus,  
Ad vitam tandem penetramus,  
Optata palma annuit.  
Christus nos laetificabit,  
Hic sese nobis revelabit,  
Qui nos amanter recipit.  
Quis ex mortalibus  
Tantum conscius  
Unquam fuit?  
Aeterna te,  
Sanctissime,  
Laus decoret et gloria.

---

**XII**

Prosperi, qui decessistis,  
Ad deum morte pervenistis,  
Vos manent caeli gaudia.  
Ultimos en post sopores  
Recipiet triumphatores  
Aeternitas laetifica.  
Vos conquiescitis  
Procul molestiis.  
Hosianna !  
Terrestria  
Vos opera  
Sequuntur ad caelestia.

Te, redemptor, adoremus,  
Excelse, tibi supplicemus,  
Sit tibi summa gloria.  
Vos, superatorum chori,  
Sanctissimo expiatori  
Parate laudis carmina.

Ut nos occubuit:  
Iam nullus fletus sit!  
Halleluia!  
Exorto te,  
Rex lucide,  
Et sol et luna disperit.

Sol et luna tenebrescent:  
Per te tum caeli exsplendescant,  
Paternae heres gloriae.  
Salus, meta lacrimarum,  
O fulgentissima stellarum,  
Propinquas spei fervidae.  
Nunc fletus desiit,  
Mors ipsa occidit.  
Halleluia!  
Qui occidit,  
Nos anteit,  
Ad patrem scandit: sequimur.

---

**XIII**

**Surgite ! haec est sonantis  
E specula vox excubantis  
Evigilate, Solymi !  
Media nox invalescit,  
Clarisona vox intumescit,  
Quid, virgines, cunctamini ?  
Lucernas struite !  
Ad sponsum pergite !  
Halleluia !  
Exsurgite !  
Iam propere  
Ad nuptias procedite !**

**Zion vigiles canentes  
Audit, congregat gaudentes,  
Evigilata proruit.  
Caelum linquit adamatus,  
Accedit gratia ornatus,  
Lucescit, mane obvenit.**

Accede, cara spes,  
Divina soboles !  
Hosiauna !  
Sequemur te,  
Laetifice  
Coenabimus te hospite.

Tuam gloriam psallemus,  
Cum caelis temet exaltemus  
Concentibus dulcisonis.  
Tuae fulgent arcis portae :  
Te sublimemus cum cohorte  
Caelesti sonis sociis.  
Hoc tantum gaudium  
Mortali abditum  
Nemo sensit.  
Io ! io !  
Te iubilo  
Extollimus perpetuo.

---



**XIV**

**Iesu, cordis gaudium,  
Dulcis Iesu!  
Animae solatium,  
Care Iesu!  
Exulis perfugium,  
Fide Iesu!  
Iesu, dulcis Iesu!**

**Millies recordeo te,  
Adamate!  
Appeto te avide,  
Expiator!  
Aveo te visere,  
Consolator!  
Iesu, consolator!**

**Pasce me ac satia,  
Caeli manna!  
Riga lassum gratia,  
Ros divine!**

Animae quietem da,  
 Quies alma !  
 Iesu, quies alma !

Nihil te est suavius,  
 Adamate !  
 Te nil est benignius,  
 Adorate !  
 Neque quidquam dulcius  
 Te, dulcedo !  
 Iesu, o dulcedo !

Aeger sum : me robora,  
 Robur meum !  
 Languéo : me recrea,  
 Alme Iesu !  
 Morientem adiuva,  
 Consolator !  
 Iesu, consolator !

---

## XV

Res tuas atque curas  
Tu illi credito,  
Qui nutu creaturas  
Gubernat valido.  
Qui ventos atque nubes  
Perducis tramite,  
Patere viam iubes,  
Qua eam optime. -

Hoc domino nitare :  
Quae condit opera,  
Mortalis, contemplare,  
His tua munita.  
Nec curis nec plangore  
Tu hunc sollicites :  
Precando spera fore  
Ut vota impetres.

Aeterno tu amore,  
O pater, prospicis

Quae plena sint dolore,  
Quae prosint liberis,  
Et quod tu elegisti,  
O dux fortissime,  
Ad finem perduxisti  
Divino numine.

Nec, ubicunque eas,  
Tu usquam clauderis :  
Tu usque quaque beas,  
Tu luce affluis :  
Nec unquam impediris,  
Quin prodas opera,  
Cum liberis largiris  
Quaecunque optima.

Ut hostes acervatim  
Obsistant undique,  
At tu nos teges statim  
Nec cedes, domine.  
Quod tu proposuisti,  
Quod iubes fieri,  
Hoc pridem prospexisti  
Ut posset perfici.

O spera et confide,  
Contrita anima !

Intrepide concide  
Maeroris vincula.  
Te deus amovebit  
A luctus gurgite  
Tibique sol lucebit  
Ex claro aethere.

Exsurge et angores  
Curasque mittito  
Fortique tu horrores  
Propelle animo.  
Potenti non pollere  
Te sceptro cogita :  
Hoc deus scit tenere,  
Gubernans omnia.

Hoc tu suffulciare,  
Hic prudens imperat,  
Hic gerit res praeclare,  
Ut quisque stupeat.  
Cum extricato nodo,  
Ut ei convenit,  
Id miro solvit modo,  
Quod luctum attulit.

Si quando hic cunctetur  
Opemque differat,

Diutius moretur  
Quod temet erigat,  
Te quasi desivisset  
Tutela tegere,  
Te quasi reliquisset  
In hoc certamine :

At tu si obdurabis  
Constanti animo,  
Repente exsultabis  
Eventu prospero.  
Te deus liberabit  
Ademto onere,  
Tandemque te iuvabit  
Tulisse strenue.

Experte, iam salveto,  
Iam cape lauream!  
Coronam tu teneto  
Virtute meritam.  
Te deus beat palma  
Ornata dextera :  
Quiete fruens alma  
Hunc psalmis celebra.

Miseriae, quae urget,  
Da finem, domine !

**Te auspice exsurget  
Cor novo robore.  
Clementer nos iuvato  
Ad usque tumultum,  
Tandemque sociato  
Cohorti caelitum.**

---

**XVI**

Precamur sanctum spiritum,  
Ut fidem det potissimum  
Nosque tueatur  
Die ultimo,  
Cum revertemur  
Ex hoc exilio.

Nos, cara lux, irradia,  
Ut Iesus spes sit unica  
Utque teneamus  
Sospitatorem,  
Qui nos adduxit  
Ad patriam priorem.

O dulcis amor, gratia  
Nos fove hic, ut mutua  
Iuncti caritate  
In pace stemus  
Nec unquam lite  
Nos separemus.



**Tu summum es solatium :  
Nec mors nos nec ludibrium  
Terreat, praebeto.  
Hoc opem dabit,  
Cum inimicus  
Vitam accusabit.**

---

## XVII

Deus caeli ac terrarum,  
Pater, fili, spiritus,  
Solis, lunae ac stellarum  
Qui laetaris vicibus,  
Cuius praepotentia  
Sustentantur omnia:

Corde tibi ago grates,  
Quod in noctis tenebris  
Viribus calamitates  
Propulisti validis,  
Hostis ne fallacia  
Irretirer callida.

Orta luce fac vanescant  
Peccatorum agmina,  
Fac, o Iesu, ut patescant  
Cara tua vulnera,  
Quae peccatis obruto  
Sola sunt solatio. .

Faę ut hacce novà luce  
Penitus redintegrer,  
Animaeque temet duce  
Ad salutem renover,  
Ne ad sellam iudicis  
Contremiscam lugubris.

Tua me loquela dulci  
Rectae viae advoca:  
Timidum tutare, fulci:  
Cinge me vigilia:  
Nusquam, nisi penes te  
Sospitem putabo me.

Tua me tutela forti,  
Maxime, recipito:  
Tutor assis vitae sorti  
Valido praesidio:  
Robur meum, domine,  
Scuto memet obtege.

Lega angelum, qui hostes  
Forti manu dirimat,  
Ne tentator intret, postes  
Sedulo custodiat,  
Aetas cum effluxerit,  
Mihi dux et comes sit.

Audi cuncta, quae te oro,  
Pater, fili, spiritus !  
Preces, quibus te imploro,  
Ratas fac propitius.  
Hic et caeli socius  
Te laudabo prosperus.

---

## XVIII

Nunc silvae conticescunt,  
Nunc homines quiescunt  
Nox sopit omnia :  
At ego me accingam  
Somnique vim perfringam,  
Ut pia pangam carmina.

Sol, quorsum tetendisti?  
Tu nocti iam cessisti,  
Quae diem occultit :  
Decede ! pulcriore  
Illuminor splendore,  
Quem cordi Iesus indidit.

Iam tenebrae valescunt,  
Iam sidera splendescunt  
In alto aethere :  
Nitorem tantum edam,  
Cum dei iussu cedam  
Ex hac sollicitudine.

Nunc propero dormire,  
Exuviis exire,  
Quod mortem simulat:  
Mortale quidque cadet,  
Nam Iesus mihi tradet,  
Aeternum quod eniteat.

Molestiis lassatum,  
Labore enervatum  
Iam pax recipiet:  
Peccatis sic tentatum  
Curisque cumulatam  
Mors victrix tandem eximet.

Vos artus languescentes,  
Fruamini lubentes  
Quiete placida:  
Nae hora propinquabit,  
Quae vobis apparabit  
Sepulcri incunabula.

Iam oculi pigrescunt,  
Repente obrigescunt:  
Me quisnam proteget?  
Tu mihi vigil esto,  
Custodia sis praesto,  
Quae fortiter auxilietur!

**O Christe ! tu alarum  
Tegumine tuarum  
Timentem recipe !  
Tu vim inimicorum  
Per cantus angelorum  
Fugatam a me remove !**

**Vos quoque, adamati,  
Estote illibati  
Nec violemmini !  
Iam carpite sopores :  
Qui arceant horrores  
Ministri astent flammei !**

---

**XIX**

Aliquando cum sopore  
Ultimo excutiar,  
Omni vacuus dolore  
Clarior exoriar,  
Terrae vincla deseram,  
Novos sensus induam,  
Mane sanctius clarescet,  
Vitae somnium vanescet.

Fac, ut nulla me dierum,  
Lucis dator, arguat,  
Me sprevisse hoc, quod verum  
Bonum mi suppeditat,  
Etiamnum vigeo :  
Gratus te glorifico.  
Fac, virtuti me ut dedam,  
Ab illecebris recedam.

Ne attonitus pavescam  
Summi memor iudicis,



Nec sepulcrum pertimescam,  
Neque flectar lacrimis.  
Tu luctantem adiuva,  
Morientem roboram,  
Lacrimantibus ut luctus  
In aeternos cedant fructus.

---

**XX**

**Accede, sancte spiritus,  
Tu corda reple penitus,  
Animi fac extollantur  
Et amore incendantur.  
Splendore lucis congregas  
Sermone gentes dissonas,  
Ubicunque dissipatas:  
Hinc laudes canimus elatas.  
Halleluia !**

**Lux sancta, custos optime,  
Aspira divo flamine,  
Deum ut nos pernoscamus,  
Hoc parente confidamus :  
Commenta vana supprime,  
Fâc Christo nos ut unice  
Firmiterque concredamus  
Eoque fidem fulciamus.  
Halleluia !**

**O ignis sancte, pabulum  
Amoenum, fer auxilium,  
Alacres ut persistamus,  
Nec aerumnis desciscamus.  
O tua ope, domine,  
Nos robora potissime,  
Ut intrepide luctemur  
Et victa morte sublimemur.  
Halleluia !**

---

## XXI

O beatos vos, qui decessistis,  
Morte qui ad deum pervenistis !  
Vos effugistis  
Compede, qua vinctos nos liquistis.

Similes hic sumus catenatis  
Inter gemitus anxietatis :  
Quicquid tentemus,  
Curas ac misérias vocemus.

At securá vos obtexit cella,  
Nec hostilis vobis obest stella,  
Nec gaudiorum  
Flores devastabit vis dolorum.

Christus vestras lacrimas siccabit,  
Quod habetis, nobis olim dabit :  
Vos melos stringit,  
Auri quod mortali non obtingit.

Quidni hinc lubentes abeamus  
Et heredes caeli evadamus?  
Quis hic moretur  
Et maeroris luctu agitetur?

Veni Christe, iugo nos levato,  
Hinc nos aufer, vincla dissecato!  
Tu, sol, piarum  
Decus permaneto animarum!

---

**XXII**

Iesu laeti dator,  
Cordis consolator,  
Dulce pabulum,  
Ah, quam diu tenet  
Tui, Iesu, memet  
Desiderium !  
Victima  
Crucifera,  
Te nil carius habeo,  
Vanaque delebo.

Umbra sub alarum  
Abditus tuarum  
Vaco turbine.  
Hostis furor gliscat,  
Mundus contremiscat,  
Christus tenet me.

Fulguret  
Ac pertonet!  
Mundus licet illabatur,  
Iesus me tutatur.

Ensem stringe, hostis,  
Pate, mortis postis,  
Terror, ingruet!  
Furite maligni,  
Praesidis benigni  
Laetor numine.  
Prospicit,  
Me obtegit:  
Duce memet hoc accingam,  
Agmina perfringam.

Cede auri nitor:  
Christus est largitor  
Summi gaudii.  
Cedite, honores:  
Spargitis horrores,  
Deperdamini!  
Atra sors,  
Vel ipsa mors,  
Quicquid mali apparebit,  
Fidem non delebit.

Apage, qua stulti  
Gloriantur multi,  
Mundi vanitas !  
Ruite peccata  
Prorsus profligata  
Iam in tenebras !  
Fugam da,  
Superbia !  
Me, quod malos pessum dabit,  
Non contaminabit.

Cedite dolores,  
Expanduntur fores,  
Christus advenit !  
Deo qui laetantur,  
Etsi cruciantur,  
Opem adstruit.  
Pessima  
Iniuria  
Acres licet morsus edat,  
Dumne Iesus cedit.

---



**XXIII**

En, dies iam occubuit,  
Sol lucem condidit :  
Iam fessus quisque concidit  
Ac flens dormitum it.

Tu solus, summe, vigilas,  
Nec somno frueris :  
Obscura quaeque dissipas,  
Qui luce affluis.

Memento mei, domine,  
In hisce tenebris :  
Custodiis me undique  
Circumda validis.

Averte hostis impetus  
Per fortes vigiles :  
Sic curis ero vacuus,  
Dum tu me obteges.

**Tametsi culpa oneror,  
Quae pectus obruit,  
Piaculo at fulcior,  
Quod Christus obtulit.**

**Sponsorem hunc accipito,  
Cum reus fuero :  
Servabor a periculo,  
Si hoc me fulcio.**

**Languentibus sic oculis  
In somnum incidam :  
Tu quiescentem protegis,  
Qui tristis iaceam ?**

**Iam vanum quodque cedito :  
Quid tecum habui?  
Iam corde fana exstruo  
Divino numini.**

**Hac nocte tu si iusseris  
Ex hac miseria  
Me cedere, ex vinculis  
Me tibi vindica.**

Ut vitam, ita exitum  
Cor deo consecret,  
Qui vivum atque mortuum  
E luctu eximet.

---

## XXIV

Laudate cantu resono,  
Quicumque vivitis,  
Quem angelorum concio  
Exaltat hilaris.

Exsurgite, clarisonum  
Concentum fundite,  
Concelebrate maximum,  
Qui regit optime,

Qui nosmet iam a teneris  
Servavit sospites,  
Et vacuos auxiliis  
Refecit stabiles,

Qui quicquid commiserimus  
Condonat placide,  
Oblitus culpa potius  
Nos beat propere.

Det mentem nobis vegetam  
Viresque erigat,  
Dolores ac miseriam  
In mare proruat.

Confirmet pacem auream  
Dilectae patriae,  
Fortunet opem sedulam,  
Ut cedat prospere.

Perpetuo nos obtegat  
Tutela provida,  
Longissime removeat  
Curarum agmina.

Hic salus nostra maneat  
Dum vita suppetet,  
Nec occumbentes deserat,  
Cum mors nos auferet.

Occludat fractos oculos  
Benigna dextera  
Et evehat nos mortuos  
Ad dia gaudia.

---

**XXV**

**Te celebros cordiculus  
Auctorem omnium,  
Te celebrabo nuntius  
Tuorum operum.**

**Tu, pater summe, affluis  
Aeterna gratia,  
Tu fausta quaeque porrigis  
Ac saluifera.**

**Quid sumus? et mortalibus  
Quid unquam accidit,  
Quod illis parens optimus  
Non solus dederit?**

**Quis celsum caeli fornicem  
Exstruxit splendide?**

Quis rore rigat segetem,  
Ut crescat prospere?

Quis vim emollit frigorum,  
Quis arcet turbines,  
Quis grana fovet segetum  
Quis uvae palmites?

Quis vitam dedit vegetam,  
Quis pacem nobilem  
Fructuque laeto floridam  
Tutatur sospitem?

O deus, tibi omnia  
Accepta ferimus,  
Tutela tu nos provida,  
Texisti hactenus.

Clementer noxam toleras  
Nec punis nimie,  
Quin peccatorum sarcinas  
Submergis aequore.

Cum tristes ingemiscimus  
Exaudis gemitus,

Et porrigis lactificus  
Quod iuvet proterus.

Christicolarum lacrimas  
Perpendis serio,  
Tu unamquamque numeras  
Et siccas illico.

Tu inopes exsatis  
Caelesti copia,  
Submotos terra muneras  
Aeterna patria.

Exsurge cor, te recrea  
Viresque sumito:  
Qui procreavit omnia,  
Te curat sedulo.

Hic ditat te largissime  
Et luce obvenit,  
Tutatur te benevole,  
Te nunquam deserit.

Angore quid te crucias?  
Tu summo arbitro



**Humanae sortis salebras  
Fidenter credito.**

**Memento te a teneris  
Fuisse stabilem,  
Et hostium e latebris  
Cessisse sospitem.**

**Res cunctas divo numine  
Direxit optime,  
Et quid molitur undique,  
Id cedit prospere.**

**Te collige, confidito,  
Nec stulte sapias :  
Fidentibus est praemio  
Aeterna claritas.**

---

**XXVI**

**Te collaudamus, maxime  
Felicitatis dator,  
Te, artifex mirifice,  
Te, alme consolator,  
Qui gratia me satias,  
Qui maesti siccas lacrimas,  
Te deum collaudamus.**

**Te caeli canunt agmina,  
Qui solus dominaris,  
Te cuncta terrae spatia,  
Te fluctus laudant maris,  
Glorificant potentiam,  
Qua polles immensissimam :  
Te deum collaudamus.**

Quodcunque deus genuit  
Id certo conservabit :  
Futura quaeque prospicit,  
Suosque sospitabit,  
Hic dominatur libere  
Aptissimo regimine :  
Te deum collaudamus.

Clamavi ex miseria :  
Me domine, audito !  
Tu ope validissima  
Me sustentasti cito.  
Hinc tibi ago gratias,  
Efferte voces socias :  
Te deum collaudamus.

Tu praesto es, o domine,  
Nec unquam recessisti,  
Nos adiuvas mirifice  
Salvosque praestitisti,  
Paterna manu allevas  
Ducisque nos per tenebras :  
Te deum collaudamus.

Expertes cum auxilii  
Nos quaeque spes frustratur,

**Tum deus ope stabili  
Oppressos consolatur,  
Paternum vertit animum  
Ad exsulis auxilium :  
Te deum collaudamus.**

**Te venerabor, maxime,  
Nec unquam perfrigescam :  
Te celebrabo carmine,  
Nec unquam obmutescam.  
Exsulta, mea anima,  
Et sancta cape gaudia :  
Te deum collaudamus.**

**Qui Christi nomen colitis,  
Honorem deo date :  
Vim divam qui agnoscitis,  
Effuse iubilare :  
Te nihil viget altius,  
Tu deus es ac dominus :  
Te deum collaudamus.**

**Laetantes iam accedite,  
Ut gratias agamus,**

**Et vota nunc persolvite  
Et hilare canamus :  
Perpendis cuncta optime  
Et perficis egregie :  
Te deum collaudamus.**

---

## **APPENDIX**

## I

Vitae fluctibus iactamur,  
Procellarum vi quassamur,  
Quotquot terra genuit :  
Donec fessos navigantes,  
Huc et illuc fluctuantes,  
Portus tandem recipit.

Tum querelae conticescunt  
Neque unquam recrudescunt  
Luctatorum vulnera :  
Maeror omnis dissipatur,  
Nullus horror pervagatur  
Sepulcrorum somnia.

Magna dies illucescet :  
Tum repente intumescet  
Unusquisque tumulus :  
Dormientes seculorum,  
Agmen omne peccatorum  
Tubae coget sonitus.

**I**

Alle die das licht gesogen,  
Schwanken auf des lebens wogen  
Hin und her in irrem lauf:  
Die umringt von felsenriffen  
Manche sturmesnacht durchschiffen,  
Nimmt zuletzt der hafen auf.

Dort verschwinden alle schmerzen,  
Wo den gram gebrochner herzen  
Süsses schlafes balsam stillt.  
Friede sinkt auf diese räume  
Und der schlummerer tiefe träume  
Stört kein grauses schreckensbild.

Einst an gottes heiligem morgen  
Dringet, was das grab geborgen,  
Aus der langen nacht hervor:  
Die erwachten schläfer alle  
Horchen dem posaunenschalle,  
Staunend schaut ihr blick empor.



Rex tremendae maiestatis  
Fons immense caritatis,  
Parce nobis, domine !  
Et sponsoris tu memento,  
Qui piaculo cruento  
Nos absolvit scelere.

Culpa tu obliviscare,  
Resurrectis largiare  
Sancta caeli praemia.  
Accusator obmutescat,  
Et aeterna refulgescat  
Paradisi gloria.

---

Richter über sternenpfaden,  
Grosser vater aller gnaden,  
Schone deiner sünderschaar!  
Denke dess, der voll erbarmen  
Für die schuldbefleckten armen  
Blutend sank am sühnaltar.

Tilge unsre schweren schulden,  
Senke sie aus freien hulden  
Tief in die vergessenheit;  
Heisse den verklager schweigen,  
Uns umweh' aus palmenzweigen  
Paradiesesherrlichkeit.

---

**H**

Agmen grande confessorum,  
Cohors martyrum altorum,  
Gaude tua gloria !  
Sacra tibi per angores,  
Cruciatu et dolore,  
Obtigit memoria.

Testes olim veritatis,  
Nunc heredes claritatis  
Et salutis socii,  
Acriter qui dimicastis,  
Iam coronas reportastis  
Sanguine martyrii.

Sospitate vos beavit  
Paradisum qui paravit,  
Sanctus unigenitus.  
Hanc ad metam vos perduxit  
Stellae instar qui praeluxit,  
Protomartyr Stephanus.

## II

Die als märtyrer gestorben,  
 Durch den tod das heil erworben,  
 Freuet euch der herrlichkeit!  
 Die ihr durch die nacht gedrungen,  
 Euch zum licht emporgeschwungen,  
 Hoch seid ihr gebenedeit.

Hohe zeugen einst der wahrheit,  
 Erben nun der ew'gen klarheit,  
 Heilsgenossen hochbeglückt,  
 Eurem blut'gen kampf zum lohne  
 Winkt die überwinderkrone,  
 Die der treuen schläfe schmückt.

Euch, in hartem streit erprobte,  
 Schenkt der heil'ge, höchgelobte,  
 Ew'gen freudenüberfluss.  
 Leitstern auf den dunkeln pfaden  
 Warst du durch des geistes gnaden,  
 Erster martyr, Stephanus!

Vos nunc aurae mulcent almae,  
Annuunt caelestes palmae,  
Umbra vocat gelida,  
Et per choros angelorum  
Personabit confessorum  
Sempiterna gloria.

Mortis vincla perrupistis,  
Luctatores effulsistis,  
Clara velut sidera.  
Mane sanctius clarescit,  
Lux aeterna enitescit,  
Diva spargens gaudia.

---

**Ruht nun unter goldnen halmen,  
Euch umwehen himmelspalmen,  
Wonnen der unsterblichkeit,  
Und der engel jubelchöre  
Feiern der bekennen ehre,  
Die sich kampf und tod geweiht.**

**Todesmacht habt ihr bezwungen,  
Seid zum leben durchgedrungen,  
Euch umleuchtet himmelsglanz.  
Freudenfülle überschwänglich  
Strömt durch Eden, unvergänglich  
Blühet euer siegerkranz.**

---

## III

**Iter arduum permense,  
Caritatis fons immense,  
Ad elementiam propense,  
Peccatores aspice !**

**Cruci assumus maerentes,  
Lacrimosi, tremiscentes,  
Magnam culpam eluentes :  
Christe, fessos erige !**

**Qui aegrotos consanasti,  
Qui defunctos revocasti,  
Languidos qui recreasti,  
Anxios ne reiice !**

**Parens abalienatum  
Filium, excruciatum,  
Gravi culpa maculatum,  
Recipit benevole.**

## III

Heil'ger du, vor dem wir stehen,  
Retter uns zum heil erschen,  
Zugeneigt der reue flehen,  
Nimm auch uns, die sündler, an.

Weinend wir dein kreuz umschliessen:  
Sieh der reue thränen fliessen,  
Lass der hoffnung stral entspriessen,  
Lass uns dir vertrauend nahh.

Deine hand die kranken heilte,  
Leben, trost und hilf' ertheilte,  
Immerdar zu retten eilte,  
Hilf der brust von schmerz bedrängt!

Der verlorne sohn bereuet,  
Ihm, den untergang umdräuet,  
Wird des vaters huld erneuet,  
Die verzeihend ihn umfängt.



Hoc exemplum posuisti,  
Hoc solamen dispersisti,  
Paenitentibus favisti,  
Nos reversos recipe.

Petrum olim abnuentem,  
Noxam illico deflentem,  
Manus supplices tendentem,  
Absolvisti crimine.

Quin malefico, ad crucem  
Dato, paradisi lucem  
Tu promittis, teque ducem  
Mira praestas gratia.

En contritos, lacrimantes,  
Trepidus ac fluctuantes,  
De salute desperantes :  
Pande tua vulnera.

Quid agemus morituri,  
Terrae vincla rescissuri,

Solches hast du selbst verkündet,  
Hast der hoffnung stral entzündet,  
Trost und zuversicht begründet,  
Jedem gnädig, der bereut.

Petro, der sich abgewendet,  
Hast du gnade ja gespendet,  
Hast sein grosses leid geendet,  
End' auch unser seelenleid !

Gabst noch in des scheidens stunde  
Blutend aus der todeswunde,  
Dem verbrecher trosteskunde,  
Sein auch sei das paradies.

Sieh uns weinen, zagen, wanken,  
Sieh uns zittern, trostlos schwanken,  
Deines kreuzes stamm umranken,  
Das der welt das heil verhiess.

Ach, wie sollen, wenn wir sterben,  
Wir mit den gerechten erben,

**Nisi gratiae securi?  
Miserere, domine!**

**Magna dies, dies illa  
Tundet ignes e scintilla,  
Effervescent vel tranquilla,  
Stellae cadent tremule.**

**Regiones cunctae gliscent,  
Rupes altae contremiscent,  
Et sepulti reviviscent  
Truci tubae sonitu.**

**Tum attoniti pavescent,  
Viso miro cohorrescent,  
Et terrores ingravescent,  
Teste vatis spiritu.**

**At tu, Christe, claritate  
Celsa affluens, elate  
Grandi stabis maiestate,  
Personante tonitru.**

Wenn wir gnade nicht erwerben,  
Wenn dein antlitz uns verstieß?

Einst am grössten aller tage  
Wäget des gerichtes wage,  
Wird erfüllt prophetensage,  
Endet sich der zeiten lauf.

Erd' und meerestiefen zittern,  
Berge bersten, felsen splintern,  
Feuerwolken krachend wittern,  
Und die gräber thun sich auf.

Staunend aus der todeshalle  
Horchen dem posaunenschalle  
Die erwachten schläfer alle,  
Harrend auf den richterspruch.

König mit der sternenkronen,  
Richter auf dem wolkenthronen,  
Wie zur strafe, so zum lohne  
Öffnest du der zeiten buch.

**Iudex ergo cum sedebis,  
Vindex iustus apparebis,  
Et servabis et delebis,  
Nostram noxam mergito.**

**Tu nos fove caritate,  
Da salutem cumulate,  
Vocem mittere: vos intrate,  
Supplices accipio.**

---

Die mit grosser schuld beladen,  
Nimm uns an zu deinen gnaden,  
Lös' uns von der sünde schaden,  
Lass am erb' uns nehmen theil.

Tilg' uns nicht in deinem grimme,  
Deiner liebe glut erglimme,  
Gnädig rufe deine stimme:  
Gehet ein zu ew'gem heil!

---

## IV

Turba hostium stipatus  
Dum pendebat sauciatus  
Carus unigenitus,  
Vidit matrem adamatam,  
Gravi luctu laceratam,  
Lacrimantem cominus.

Et ad latus eius stabat  
Is, quem dominus amabat,  
Iuvenis discipulus :  
Matri Iesus dat solamen,  
Maestae animae levamen,  
'Tuus hic est filius!'

Atque dulci voce sua  
Pergit 'mater haec est tua.'  
Audit vocem iuvenis :  
Testamento quem dignatur

## IV

Als in schweren leidensstunden,  
Blutend aus den todeswunden,  
Unser herr am kreuze hieng,  
Sah er still in tiefem flehen  
Die geliebte mutter stehen,  
Welche grosses leid umfieng.

Und der weinenden zur seiten  
Sieht er auch den jüdling schreiten,  
Den er liebt', und süssen ton,  
Trostesworte, Christus sendet,  
Zu der mutter hingewendet,  
'Mutter, sieh, das ist dein sohn!'

Und zum jüdling, ihr zur seite,  
Spricht der hochgebenedeite,  
'Siehe deine mutter hier!'  
Dieser hört die süsse kunde,



Tanto Iesus, recreatur,  
Matrem iungit brachiis.

Blande recipit dilectam,  
Viso lugubri confectam,  
Acri planctu languidam.  
Perstat mater in maerore,  
Dolet filii dolore,  
Renovat tristitiam.

Tolle vultum, o Maria,  
Sicca genas, mater pia,  
Resurrexit filius.  
Quem ereptum lacrimabas,  
Ille, quem desiderabas,  
Resurrexit unicus.

Aegrum convalescit pectus,  
Tumba exiit dilectus,  
Iam aresce, lacrima!  
Mortem Christus superavit,  
Victor ille triumphavit,  
Stat aeterna gloria.

Dulce se solamen pandit,  
Christus cum ad patrem scandit,

Sein vermächtniss, und zur stunde  
Theilt sein obdach er mit ihr.

Nimmt sie auf, sie treu zu pflegen:  
Doch in ihre seele regen  
Dornen sich und bitterer schmerz.  
Sie beharrt in tiefer trauer,  
Und des sohnes todesschauer  
Dringen durch das mutterherz.

Hebe deinen blick, Marie,  
Weine nicht, o mutter, siehe,  
Auferstanden ist dein sohn!  
Dessen scheiden du beweintest,  
Er, den du verloren meintest,  
Brach des grabes riegel schon.

Und die seele, tiefverwundet,  
Und das kranke herz gesundet,  
Christus trat aus grabesnacht.  
Blieb dem grabe nicht verfallen,  
Erstling von den toden allen  
Lebt er nun in ew'ger macht.

Und als seine treuen schaaren-  
Dort am berg versammelt waren,

**Verbo suos refovet  
'Ne timete! die quoque  
Vobis adero locoque,  
Donec mundus concidet.'**

---

Liess er ihnen tröstungswort:  
‘Seid getrost und lasst die klage,  
Bei euch bin ich alle tage,  
Bis ans ende, fort und fort.’

---

## V

(Secundum patrum ecclesiasticorum narrationes.)

Die iam vespascente,  
Divulgato nuntio,  
Prodit Ephesi repente  
Confessorum concio.  
Congregantur acri nisu,  
Obstupescunt nova re,  
Nam sepulcrum, mirum visu,  
Praeparatur impigre.

Iamque rumor dissipatur  
De Iohannis reditu,  
Vultus quisque hilaratur  
Strepit coetus fremitu:  
Omen hoc accipiat!  
Annus enim transiit,  
Ex quo praeco sospitatis,  
Nostra lux, conticuit.

## V

(Nach den erzählungen der kirchenväter.)

Bei des abends hellem scheine,  
Freundlich tauschend gruss um gruss,  
Stand versammelt die gemeine  
In dem heitern Ephesus.  
Sagt, wess seid ihr noch gewärtig,  
Da der tag sich schon geneigt?  
Und ein grab wird eben fertig,  
Und die menge staunt und schweigt.

Da verbreitet sich die kunde,  
Dass Johannes wieder naht,  
Und es tönt von mund zu munde:  
Siehe, das ist gottes rath!  
Denn ein jahr ist schon vergangen,  
Seit Johannes zu uns sprach.  
Stille hoffnung und verlangen  
Zog ihm alle herzen nach.

Doce, sodes, quid saluti  
Praeter haec inserviat,  
Quid verissimae virtuti  
Summum robur afferat.  
Liberos haec tuos doce,  
Tu, quem virtus decorat !  
Atat iterata voce  
Senex tunc responsitat :

Alter alterum amato,  
Amor cuncta perficit :  
Domini praeceptum stato,  
Christus hocce condidit !  
Prece tacite elata  
Linqvit aedem concio :  
Aura vespere flammata  
Fusco fulget lucido.

Et dilectum circumfundunt  
Addictorum agmina :  
Vultus, aspice, obtundunt  
Subita miracula :  
Sancta luce collustratur  
Os senile arduum,  
Divo spiritu afflatur,  
Decus reddit caelitem.

Wollest deine kinder lehren,  
Was uns sonst noch führt zum heil,  
Dass wir gläubig in uns mehrten,  
Kindlich fromm, das bessre theil.  
Künd' es uns zur heiligen stunde,  
Du, der deinen licht und hort !'  
Aber aus Johannis munde  
Tönt zum zweiténmal das wort :

'Lasst die liebe nur nicht weichen,  
Steht in ihr bis in den tod :  
Alles wird die lieb' erreichen,  
Und sie ist des herrn gebot.'  
Alsobald nach stillem beten  
Leeret sich der halle raum :  
An den abendhimmel treten  
Duftgewölk' in goldnem saum.

Um den hochgeliebten stehen  
Seine kinder ringsgeschaart,  
Staunend ihre blicke sehen  
Was sich herrlich offenbart :  
Wie in neuer kraft erhoben  
Steht der meister hoch und hehr :  
Himmelswonne, licht von oben  
Überstrahlt ihn mehr und mehr.



'Cohors cara, hora ciet,  
Avocat apostolum.  
Quod optavit, tandem fiet:  
En sepulcrum conditum.  
Ne tremiscite, havete,  
Mei quisque memor sit,  
Perdurate ac valete!'  
Artus tumba recipit.

'Sancte, tu, ad cuius crucem  
Astiti in Golgatha,  
Assis, teque praesta ducem  
Vulnerum in gloria:  
Vindicem te mihi praesta,  
Scuto qui me obtegat:  
Fulgens visum manifesta,  
Patmos quod obtulerat.

Educ vita me longaeva,  
Quam praedixti iuveni,  
Educ tempestate saeva,  
Audi vocem languidi!  
Veni, Iesu, o solamen:  
Moriens te invoco:  
Veni, Iesu, amen, amen!'  
Fracto iacet oculo.

‘Lasset, kindlein, euch nicht grauen,  
Weil die grosse stunde schlägt,  
Die vom glauben zu dem schauen  
Nun der zwölfe letzten trägt.’  
Fleht dann segnen auf sie nieder,  
Still mit aufgehobner hand,  
Bettet dann die greisen glieder  
In das grab im grünen land.

‘Heilger, du, an dessen kreuze  
Einst ich stand auf Golgatha,  
Sei in deiner wunden reize,  
In der glorie mir nah!  
O zum schilde mir erscheine,  
Mit der herrlichkeit geschmückt,  
Wie du einst in Patmos haine  
Deines knechtes aug’ entzückt!

Ende nun mein langes wallen,  
Das mir einst dein mund verhiess:  
Führe mich aus todeshallen  
In dein ew’ges paradies:  
Komm, herr Jesu: deinen namen  
Sterbend noch die zunge spricht:  
Komm, herr Jesu, amen, amen!’  
Und das fromme auge bricht.

**Aer roseus splendescit,  
Sol occasu effugit,  
Maeror undique gravescit,  
Corda luctus obruit,  
Manu socia tumescit  
Floridus colliculus,  
Lacrimarum vi madescit  
Adamati tumulus.**

---

Und der sonne letzter funken  
Sinkt in abendduft hinab :  
Tief in rührung hingesunken  
Knie'n die gläub'gen an dem grab :  
Still erbauen ihre hände  
Einen blumenhügel auf :  
Als der liebe letzte spende  
Träufen tausend thränen drauf.

---

## INITIA CARMINUM. NOMINA POETARUM.

I.	Os plagis eruentatum	pag.
	<i>O haupt voll blut und wunden. P. Gerhard.</i>	1
II.	O paraclete, hospita	
	<i>Komm, heiliger geist, kehr bei uns ein.</i>	
	<i>M. Schirmer.....</i>	5
III.	Vita mea praeterit	
	<i>Meine lebenszeit verstreicht. C. F. Gellert</i>	9
IV.	Deus pater, adiuva	
	<i>Gott der vater, wohn uns bei. M. Luther..</i>	12
V.	O Iesu Christe, tua	
	<i>Ach bleib mit deiner gnade. J. Stegmann..</i>	13
VI.	O deus, tua gratia	
	<i>Es woll uns gott genädig sein. M. Luther</i>	15
VII.	Surgite, somniatores	
	<i>Wachet auf vom schlaf, ihr sündler.</i>	
	<i>F. G. Klopstock.....</i>	17
VIII.	Sit soli deo gloria	
	<i>Allein gott in der höh sei ehr. N. Decius</i>	19
IX.	Fac tibi adhaerescam	
	<i>Lass mich dein sein und bleiben. N. Selnecker</i>	21
X.	Nunc laeti exurgamus	
	<i>Nun lasst uns gehn und treten. P. Gerhard</i>	22
XI.	Surgite! sic personabit	
	<i>Wachet auf! ruft uns die stimme.</i>	
	<i>F. G. Klopstock.....</i>	26
XII.	Prosperi, qui decessistis	
	<i>Selig sind des himmels erben. F. G. Klopstock</i>	28
XIII.	Surgite! haec est sonantis	
	<i>Wachet auf! so ruft die stimme.</i>	
	<i>P. Nicolai.....</i>	30

XIV.	Iesu, cordis gaudium	pag.
	<i>Jesu, meines herzens freud. J. Flittner....</i>	32
XV.	Res tuas atque curas	
	<i>Befehl du deine wege. P. Gerhard.....</i>	34
XVI.	Precamur sanctum spiritum	
	<i>Nun bitten wir den heiligen geist. M. Luther</i>	39
XVII.	Deus caeli ac terrarum	
	<i>Gott des himmels und der erden. H. Alberti</i>	41
XVIII.	Nunc silvae conticescunt	
	<i>Nun ruhen alle wälder. P. Gerhard.....</i>	44
XIX.	Aliquando cum sopore	
	<i>Wenn ich einst von jenem schlummer.</i>	
	<i>F. G. Klopstock.....</i>	47
XX.	Accede, sancte spiritus	
	<i>Komm heiliger geist, herre gott. M. Luther.</i>	49
XXI.	O beatos vos, qui decessistis	
	<i>O wie selig seid ihr doch, ihr frommen.</i>	
	<i>S. Dach.....</i>	51
XXII.	Iesu, laeti dator	
	<i>Jesu, meine freude: J. Franke.....</i>	53
XXIII.	En, dies iam occubuit	
	<i>Nun sich der tag geendet hat. J. F. Herzog</i>	56
XXIV.	Laudate cantu resono	
	<i>Nun danket all und bringet ehr. P. Gerhard</i>	59
XXV.	Te celebros cordicitus	
	<i>Ich singe dir mit herz und mund.</i>	
	<i>P. Gerhard.....</i>	61
XXVI.	Te collaudamus, maxime	
	<i>Sei lob und ehr dem höchsten gut.</i>	
	<i>A. H. Franke.....</i>	65

